

《淨土生無生論導讀》補充講表

◎附表十四：糅合《淨土生無生論親聞記》、《淨土生無生論講義》、《淨土生無生論會集》

○況無量壽佛，因中所發四十八願，誓取極樂，：豈非生佛誓願相關者乎？


◆文分二節，初明誓願，二明相關。按《無量壽經》，過去久遠，世自在王佛世中，有一國王，聞佛說法，心懷悅豫，發無上道意；棄國捐王，而作沙門，號曰法藏。詣世自在王佛所，求佛說法。時世自在王佛，廣說二百一十億諸佛剎土，天人之善惡，國土之粗妙，應其心願，悉現與之。時彼比丘，聞佛所說嚴淨國土，皆悉覩見；發無上願，具足五劫，思惟攝取莊嚴國土清淨之行。如是修已，詣彼佛所，白佛言：【唯願聽察，如我所願，當具說之】，故發四十八種大願，誓取極樂，攝受有情，設有一願不滿，不取正覺。「僧那」，宏誓也，「然磁能」下，明相關也。然諸佛度生，原無揀擇；而因中願力不同，結緣有異，故有相關不相關者。彌陀因中願勝，與此土眾生緣深，故誓願相關也。

○是故求生淨土者，信願行三，缺一不可。（以下糅合《大乘百法明門論直解》）

◆信者，於實德能，深忍樂欲，心淨而為體性；對治不信，樂求善法而為業用。」


※《成唯識論觀心法要》卷六云：「實德能，是信依處。忍（即勝解也）是信之因，樂欲

是信之果。心淨，是信之自性。諸法實事，即俗諦；諸法實理，即第一義諦。希望，即欲也。」



※《彌陀要解》云：「此經以信願持名為修行之宗要。非信不足啟願，非願不足導行；非持

名妙行，不足滿所願，而證所信。」（以下糅合《彌陀要解》）



○第九、彼此恆一門

◆「彼」指極樂，「此」指娑婆。彼此淨穢雖殊，不外我人現前一念心性，故稱「恆一」。

○若人臨終時，能不失正念；或見光見華，已受寶池生。

◆此中「能不失正念」者，正謂「唯此願王，不相捨離」。

※《普賢行願品》云：「又復是人臨命終時，最後剎那，一切諸根悉皆散壞；一切親屬悉皆捨離；一切威勢悉皆退失；輔相大臣、宮城內外，象馬車乘，珍寶伏藏，如是一切無復相隨。唯此願王，不相捨離，於一切時，引導其前。一剎那中，即得往生極樂世界。」

◆「或」，以示不必見光見華也。今舉通例，謂正在此土臨終見光見華，已受彼土寶池化生，以示彼此恒一。

○往生傳云：「張抗，仕石晉，為翰林學士，課大悲咒十萬遍，…翁兒，抗之孫也。」

◆「石晉」：後晉也。高祖石敬瑭，後唐明宗之婿，借遼兵而滅唐，改稱國號為晉，故稱石晉。課大悲咒，而復願生西方，是平日已具往生之行願。臨終惟念佛號，不復持咒，可知正念未失。謂家人語，正明彼此恒一之事實，所謂「唯心淨土」之理。

○所以爾者，蓋西方極樂世界，乃吾心中之一土耳；娑婆世界：原無遠近。

◆「所以爾者」，承上文西方祇在堂屋西邊，而明其所以然也。「極樂」，乃吾心之淨土。

心淨故，土亦淨也。「娑婆」，乃吾心之穢土，心穢故，土亦穢也。「約土」之事相而言，則有彼此遠近之幻相。「約心」之理而觀，則彼亦唯心，此亦唯心，本無遠近可別也。

○但眾生自受生已來，為五陰區局真性，不契心源……唯心境界，非有去來彼此之相。

◆文分二段。初段三句，明眾生之迷妄自限。

次段自「念佛」下八句，明淨業成就者之能證唯心境界。

◆自受生以來者，謂從無始以來也。「五陰」之陰：蓋覆也，又譯為「蘊」，積集也。謂色受想行識，皆積集妄想，蓋覆真如實性也。即六凡五陰，區局於真諦之性，不契性量之源；二乘五陰，區局俗諦之性，不契性具之源；菩薩五陰，區局於中諦之性，不契性體之源。故曰：「為五陰區局真性，不契心源」。

◆「現陰」：現在五陰也。「將捨現陰」：謂臨終捨報之時。「生陰」：未來五陰也。

「趣生陰時」：謂投胎轉生之時，即往生淨土清淨五陰也。陰有四種：一、現陰：未死時。

二、死陰：命終時。三、中陰：死後而未受生。四、生陰（後陰）：投胎再受生時。大

善大惡，不落中陰；今念佛行人積有功行，直趣生陰，不落中陰，故曰：生則決定生。「唯心境界，非有去來彼此之相」，故曰：去則實不去。

○《首楞嚴經》云：「臨命終時，未捨暖觸，一生善惡：一切淨土，隨願往生。」

※《地藏菩薩本願經》·閻羅王眾讚歎品第八云：「是閻浮提行善之人，臨命終時，亦有百千惡道鬼神，或變作父母乃至諸眷屬，引接亡人，令落惡道，何況本造惡者。」

※《瑜伽師地論》卷一云：「又諸眾生將命終時，乃至未到昏迷想位，長時所習我愛現行。

由此力故，謂我當無，便愛自身，由此建立中有生報」。

◆人之受生，本以識、息、暖三者和合而成。此「未捨暖觸」：即臨命終時，惟有第八識之暖觸尚存。「一生善惡，俱時頓現」，謂一生所作善惡業力，一時現前。惡則純情而墜，善則純想而上升。善惡兼修，則情想升沉亦兼有之。純想即是上品十善，不能下墜也。

※《楞嚴經文句》卷八云：「純想但是上品十善，福則出世戒定，慧則出世智慧，淨願則出世四弘及往生諸願等。故乘此純想善力，而得心開見佛，隨願往生也。」